

საქართველოს განათლებისა და მეცნიერების სამინისტრო



გამარტივებული ელექტრონული ტენდერის საშუალებით
საქართველოს განათლებისა და მეცნიერების სამინისტროს პროგრამის „ინკლუზიური
სწავლების ხელშეწყობა“ ქვეპროგრამის „განათლების მიღების მეორე შესაძლებლობა“
ფარგლებში სკოლის მიღმა დარჩენილ ბავშვთა შეფასების მიზნით
კვლევის მომსახურების შესყიდვა (CPV: 79300000)

(წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა
და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის
ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07
აპრილის №9 ბრძანებით დამტკიცებული წესის საფუძველზე

2014 წელი

ტექნიკური დავალება

შესყიდვის ობიექტი: საქართველოს განათლებისა და მეცნიერების სამინისტროს პროგრამის „ინკლუზიური სწავლების ხელშეწყობა“ ქვეპროგრამის „განათლების მიღების მეორე შესაძლებლობა“ ფარგლებში სკოლის მიღმა დარჩენილ ბავშვთა შეფასების მიზნით (მათი საგანმანათლებლო შესაძლებლობებისა და საჭიროებების დასადგენად) კვლევის მომსახურების შესყიდვა (CPV: 79300000)

„განათლების მიღების მეორე შესაძლებლობა“ ქვეპროგრამის შესახებ

საგანმანათლებლო სივრცის მიღმა აღმოჩენილ ბავშვთა განათლების უფლების უზრუნველყოფა საქართველოში დღეისათვის პრობლემური საკითხია და პრობლემის გამომწვევი მიზეზებიც საკმაოდ კომპლექსურია. აუცილებელია სისტემური ხედვის შემუშავება, კონკრეტული სტატეგიის დასახვა და ინსტიტუციური კომპეტენციების მკაფიოდ ჩამოყალიბება აღნიშნული პრობლემების მოსაგვარებლად.

ქვეპროგრამის 2014 წლის საქმიანობა ნიადაგს ქმნის სისტემის შესაქმნელად, რომელიც ხელს შეუწყობს ამა თუ იმ მიზეზით სკოლის მიღმა დარჩენილი ბავშვების ფორმალური განათლებაში ჩართვას.

ქვეპროგრამის მიზანი: 2014 წელს ქვეპროგრამა მიზნად ისახავს შექმნას ინსტრუმენტები და რესურსები, რომელიც ხელს შეუწყობს სხვადასხვა მიზეზით სკოლის მიღმა დარჩენილ ბავშვთა ფორმალური განათლების სისტემაში ჩართვისათვის მათი შესაძლებლობების მაქსიმალურ განვითარებას.

ქვეპროგრამის მიზნობრივი ჯგუფები:

- ზოგადსაგანმანათლებლო დაწესებულებები, რომლებშიც სკოლის მიღმა დარჩენილ ბავშვთა ჩართვა განხორციელდება;
- ქუჩაში მცხოვრები და მომუშავე ბავშვები;
- ინსტიტუციების, მცირე საოჯახო ტიპის სახლებისა და დღის ცენტრების ბენეფიციარები;
- სახელმწიფო ზრუნვიდან ბიოლოგიურ ოჯახში რეინტეგრირებული ბავშვები;
- მინდობით აღზრდაში განთავსებული ბავშვები;
- ეთნიკური უმცირესობების წარმომადგენელი ბავშვები;
- მოქალაქეობის არმქონე პირის სტატუსის მქონე ბავშვები;
- ბავშვები სოციალურად დაუცველი ოჯახებიდან;
- ბავშვები, რომლებიც სეზონურ სამუშაოებში მონაწილეობის გამო, ან ოჯახური საქმიანობის თავისებურებებიდან გამომდინარე ხანგრძლივად არ ესწრებიან სწავლის პროცესს ან არ ირიცხებიან სკოლაში;
- ბავშვები საპატრიარქოს ბავშვთა სახლებიდან;
- ბავშვები, რომლებიც ანებებენ სწავლას თავს ადრეულ ასაკში დაოჯახების გამო.

კვლევის მიზანი:

სკოლის მიღმა დარჩენილ ბავშვთა შეფასება მათი საგანმანათლებლო საჭიროებების დასადგენად.

სასკოლო ასაკის სკოლის მიღმა ამა თუ იმ მიზეზით დარჩენილი ბავშვების შეფასება, ბავშვის განვითარების ძლიერი და დეფიციტური მხარეების დადგენა უნდა განხორციელდეს შემდეგი კრიტერიუმების მიხედვით:

- ბავშვის ადაპტური ქცევის საერთო დონე;
- ბავშვის ფსიქო-ფიზიოლოგიური და სოციალური უნარები;
- ბავშვის საკომუნიკაციო უნარები;
- ბავშვის დამოუკიდებლად ფუნქციონირების ხარისხი;
- ბავშვის ინდივიდუალური სასწავლო გეგმისა და პროგრამისათვის მზაობა;
- ბავშვის მიერ ბაზისური აკადემიური უნარების ფლობის ხარისხი (წერა, კითხვა, მეტყველება, ლოგიკურ-მათემატიკური აზროვნების უნარი, მეცნიერების საფუძვლები).

კვლევის მიზნობრივი დაწესებულებები და ჯგუფები:

- ქუჩაში მცხოვრები და მომუშავე ბავშვები;
- ინსტიტუციების, მცირე საოჯახო ტიპის სახლებისა და დღის ცენტრების ბენეფიციარები;
- სახელმწიფო ზრუნვიდან ბიოლოგიურ ოჯახში რეინტეგრირებული ბავშვები;
- მინდობით აღზრდაში განთავსებული ბავშვები;
- ეთნიკური უმცირესობების წარმომადგენელი ბავშვები;
- მოქალაქეობის არ მქონე პირის სტატუსის მქონე ბავშვები.

კვლევა უნდა განხორციელდეს 4 (ოთხი) ეტაპად:

პირველი ეტაპი:

- დამკვეთის მიერ განსაზღვრულ სამიზნე ჯგუფში შემავალი ბავშვების იდენტიფიცირება (სქესი, ასაკი, რისკ ჯგუფების კუთვნილება და ა.შ.);
- საგანმანათლებლო საჭიროებების შეფასების ინსტრუმენტის განსაზღვრა.

მეორე ეტაპი:

- იდენტიფიცირებული 80 ბავშვის შეფასების პროცესის წარმართვა;

მესამე ეტაპი:

- ბავშვების შეფასების შედეგების ანალიზი;

მეოთხე ეტაპი:

- ბავშვების შეფასების ანგარიშის მომზადება.

კვლევის მეთოდოლოგია:

საგანმანათლებლო საჭიროებების დადგენის მიზნით ბავშვის შეფასება უნდა მოხდეს ისეთი ინსტრუმენტების საშუალებით (ტესტები, კითხვარები, ინტერვიუ და ა.შ.), რომლებიც შესაძლებელს გახდიან მიღწეულ იქნას კვლევის დასახული მიზნები, კერძოდ, მოპოვებულ იქნას ინფორმაცია შეფასებული ბავშვების ბაზისური აკადემიური (კითხვა, წერა და არითმეტიკა), სოციალური (თვითგანათლება, თანამშრომლობა, ჯგუფური მუშაობა, კომუნიკაცია, სოციალიზაცია, ეთიკა), კომპიუტერული და ინფორმაციული ტექნოლოგიების ფლობისა და ენობრივი უნარების, ასევე მათი სხვა ინტერესებისა და მიდრეკილებების (სპორტი, ხელსაქმე, ხელოვნება, მუსიკა) შესახებ.

მიღებული შედეგები საშუალებას უნდა იძლეოდეს შემუშავდეს რეკომენდაციები სკოლის მიღმა დარჩენილი სხვადასხვა რისკ ჯგუფების ბავშვებისათვის ინდივიდუალური სასწავლო გეგმის შექმნისა და

კურიკულუმის მოდიფიკაციის შესახებ, ასევე, მათთან მუშაობის ოპტიმალური სპეციფიკის გათვალისწინების შესახებ.

შეფასების ინსტრუმენტები უნდა ითვალისწინებდეს ეროვნული სასწავლო გეგმის ამოსავალ პრინციპებს. კერძოდ, აკადემიური უნარების შეფასება უნდა ეყრდნობოდეს ზოგადი განათლების დაწყებით და საბაზო საფეხურის სტანდარტებს.

მონაცემების ასახვისათვის ტენდერში გამარჯვებული ორგანიზაცია შექმნის მონაცემთა ელექტრონულ ბაზას კომპიუტერულ-სტატისტიკურ პროგრამაში SPSS; მონაცემთა შეგროვების და ბაზებში შეყვანის პროცესი წარმართება სტანდარტიზებულად.

ტენდერში გამარჯვებული ორგანიზაცია ვალდებულია საქართველოს განათლებისა და მეცნიერების სამინისტროს ეროვნული სასწავლო გეგმების დეპარტამენტს გადასცეს მონაცემთა ბაზები.

მონაცემთა ანალიზი უნდა განხორციელდეს რაოდენობრივი და თვისობრივი შეფასების სტანდარტების და მეთოდების გამოყენებით.

მოსალოდნელი შედეგები:

1. ტენდერში გამარჯვებული ორგანიზაციის მიერ სამიზნე ჯგუფებიდან წინასწარ განსაზღვრულ ვადაში მოძიებული უნდა იქნას და შეფასდეს 80 ბავშვი.
2. შეფასების საფუძველზე უნდა დადგინდეს სკოლის მიღმა დარჩენილ/დარჩენის რისკის მქონე ჯგუფებიდან ბავშვთა საგანმანათლებლო საჭიროებები.
3. კვლევის დამადასტურებელი მონაცემები ელექტრონული ბაზების სახით უნდა გადაეცეს დამკვეთს.

კვლევის სავარაუდო ვადები:

I ეტაპი - ხელშეკრულების გაფორმებიდან 10 სამუშაო დღე (ანგარიშის წარმოდგენა არ არის სავალდებულო).

II ეტაპი - პირველი ეტაპის დასრულებიდან - 2 თვე და 15 კალენდარული დღე (წარმოდგენილი უნდა იქნას 2 ანგარიში).

III ეტაპი - მეორე ეტაპის დასრულებიდან 15 კალენდარული დღე (ანგარიშის წარმოდგენა სავალდებულოა).

IV ეტაპი - მესამე ეტაპის დასრულებიდან 15 კალენდარული დღე (ანგარიშის წარმოდგენა სავალდებულოა).

საბოლოო ანგარიშის მომზადება დამკვეთისათვის შეფასების შედეგების ანალიზის წარდგენისა და შენიშვნის მიღებიდან უნდა მომზადდეს 5 სამუშაო დღეში.

კვლევითი ორგანიზაციის შერჩევის კრიტერიუმები

დაინტერესებულ პირს უნდა ჰქონდეს:

- განათლების სფეროში კვლევითი საქმიანობის, საერთაშორისო და შედარებითი კვლევების ჩატარების არანაკლებ 2 (ორი) წლიანი გამოცდილება;
- სამიზნე ჯგუფებთან კვლევის ჩატარების გამოცდილება (არანაკლებ 1 პროექტი მაინც);

- კვალიფიციური ადამიანური რესურსი (მათ შორის: ინტერვიუერები, მონაცემთა ბაზების სპეციალისტი, სტატისტიკოსი, SPSS -ის სპეციალისტი), აუცილებელია CV-ების წარმოდგენა;
- კვლევის საწარმოებლად აუცილებელი შეფასების ინსტრუმენტები და მათზე მუშაობის გამოცდილება; ინსტრუმენტი უნდა ითვალისწინებდეს ეროვნული სასწავლო გეგმის ამოსავალ პრინციპებს, კერძოდ, აკადემიური უნარების შეფასება უნდა ეყრდნობოდეს ზოგადი განათლების დაწყებითი და საბაზო სტანდარტს. კვლევითი ანგარიშის საერთაშორისო სტანდარტების მიხედვით მომზადების გამოცდილება.

დაფინანსების წყარო: 2014 წლის სახელმწიფო ბიუჯეტი, საქართველოს განათლებისა და მეცნიერების სამინისტროს პროგრამის „ინკლუზიური სწავლების ხელშეწყობა“ ქვეპროგრამა - „განათლების მიღების მეორე შესაძლებლობა“.

მომსახურების გაწევის სავარაუდო ვადა – ხელშეკრულების გაფორმებიდან 4 (ოთხი) თვე, არაუგვიანეს 2014 წლის 5 დეკემბერი.

შესასყიდი მომსახურების სავარაუდო ღირებულება - 30100,00 (ოცდაათი ათას ასი) ლარი.

ხარჯთაღრიცხვა

N	ხარჯების დასახელება	პირველი ეტაპი	მეორე ეტაპი	მესამე ეტაპი	მეოთხე ეტაპი	ჯამური ღირებულება
1						
2...						
	სულ:					

მომსახურების ფასი უნდა მოიცავდეს ყველა ხარჯს, მათ შორის კანონმდებლობით გათვალისწინებულ ყველა გადასახადს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სისტემაში მითითებული უნდა იქნეს დღგ-ს გათვალისწინებით.

2. პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაციები:

- ინფორმაცია კომპანიის რეკვიზიტების შესახებ (ორგანიზაციის ან ფიზიკური პირის დასახელება, იურიდიულ მისამართი, ტელეფონის/ფაქსის ნომერი, საბანკო რეკვიზიტები, ხელმძღვანელ(ებ)ის სახელი და გვარი;
- ინფორმაცია განათლების სფეროში და/ან საერთაშორისო, შედარებითი კვლევების ჩატარების მინიმუმ 2 წლიანი გამოცდილების შესახებ;
- ინფორმაცია პროექტის მენეჯერის და კვლევაში ჩართული მკვლევარების სამუშაო გამოცდილების შესახებ;
- ინფორმაცია მატერიალურ-ტექნიკური და შესაბამისი პროგრამული ბაზის შესახებ: კომპიუტერული ტექნიკა (კითხვარების დასამუშავებლად და შედეგების შესაყვანად).
- კვლევაში მონაწილე ძირითადი პერსონალის რეზიუმეები, მათი მოვალეობების მითითებით;
- კვლევის სავარაუდო გეგმა;
- მომსახურების ხარჯთაღრიცხვა.

3. სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ამ პუნქტის ა-ბ ქვეპუნქტებში განსაზღვრულ მოთხოვნებზე:

ა) ანგარიშსწორებისათვის შემსყიდველსა და მიმწოდებელს შორის უნდა გაფორმდეს მიღება-ჩაბარების აქტი. მიმწოდებელი ვალდებულია მიაწოდოს შემსყიდველს თანმხლები დოკუმენტაცია. ანგარიშსწორება მოხდება ეტაპობრივად, ფაქტიურად გაწეული მომსახურების დასრულების შემდგომ, მხარეებს შორის მიღება-ჩაბარების აქტის ხელმოწერიდან 15 დღის განმავლობაში. წინასწარი ანგარიშსწორება არ გამოიყენება;

ბ) სატენდერო წინადადება ძალაშია მისი სისტემაში ატვირთვის დღიდან ტენდერისათვის „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ სტატუსის (ერთ-ერთი) მინიჭებამდე.

ტენდერით მოთხოვნილი არ იქნება გამარჯვებული პრეტენდენტის მხრიდან საკვალიფიკაციო მონაცემების დამადასტურებელი დოკუმენტების წარმოდგენა.

პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია დამოწმებული უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და ბეჭდით.

ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება 120 კალენდარული დღით ტენდერისათვის „წინადადებების მიღება დაწყებულია“ სტატუსის მინიჭების ეტაპიდან.

შენიშვნა: ელექტრონული გარანტიის ბენეფიციარი/მიმღები არის სააგენტო. ელექტრონული გარანტიის სააგენტოსთვის წარდგენა და საფასურის გადახდა ხორციელდება სისტემაში არსებული ავტომატური საშუალებების მეშვეობით. ელექტრონული გარანტიისა და საფასურის წარდგენა ხდება ტექნიკური დოკუმენტაციის სისტემაში ატვირთამდე.

სატენდერო საფასურის ოდენობა შეადგენს 50 ლარს.

ტენდერში გამოყენებული არ იქნება ხელშეკრულების შესრულების უზრუნველყოფის საბანკო გარანტია.

პრეტენდენტს არა აქვს უფლება წარმოადგინოს ალტერნატიული წინადადება.

მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე. აფიდავიტის პირობებზე დათანხმება ხდება ერთიან ელექტრონულ სისტემაში ელექტრონულად შესაბამის ღილაკზე დაჭერით.

დამატებითი ინფორმაცია შეგიძლიათ მიიღოთ შემდეგი საკონტაქტო პირებისგან: ე. ეზუგბაია; მ. ფალიაშვილი; ნ. ბოჭორიშვილი; ნ. მჟავია. ტელ: 2 31 89 40 შიდა ნომერი: (1272); (1273); (1274).

ინსტრუქცია ტენდერში მონაწილეთათვის

ტენდერში მონაწილეთა მხრიდან სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

ინსტრუქცია შესაძლებელია ასევე იხილოთ: <http://procurement.gov.ge>

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად.

ქ. თბილისი

“_____“ _____ 2014 წ.

ერთი მხრივ, საქართველოს განათლებისა და მეცნიერების სამინისტრო (შემდგომში „შემსყიდველი“) წარმოდგენილი მინისტრის პირველი მოადგილის ქეთევან ნატრიაშვილის სახით და მეორე მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, სახელმწიფო შესყიდვების შესახებ კანონისა და მიმწოდებლის სატენდერო წინადადების საფუძველზე, N SPA----- გამარტივებული ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს მომსახურების გაწევას ხელშეკრულების ფარგლებში.
- 1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1 მიმწოდებელმა უნდა უზრუნველყოს ----- კვლევა.

3. ხელშეკრულების ჯამური ღირებულება

- 3.1 ხელშეკრულების ჯამური ღირებულება შეადგენს ----- ლარს.
- 3.2 მომსახურების ერთეულის ფასები მოცემულია დანართ #1-ში
- 3.3 ხელშეკრულების ჯამური ღირებულება მოიცავს შემსრულებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

- 4.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

4.2 მიმწოდებელთან ანგარიშსწორება განხორციელდება მხარეთა მიერ ხელშეკრულებით გათვალისწინებული მომსახურების სრულად გაწევის შემდეგ კანონმდებლობით დადგენილი დოკუმენტაციის გაფორმების საფუძველზე.

4.3 მიმწოდებელთან ანგარიშსწორება განხორციელდება შესაბამისი დოკუმენტაციის ხელმოწერიდან 15 კალენდარული დღის განმავლობაში.

5. მომსახურების მიღება-ჩაბარების წესი

5.1 მომსახურება ჩაითვლება გაწეულად მხოლოდ კანონმდებლობით დადგენილი დოკუმენტაციის (მიღება-ჩაბარების აქტი) გაფორმების შემდეგ.

6. მომსახურების ვადა და ადგილი

6.1 მომსახურება განხორციელდება -----.

7. მხარეთა უფლება-მოვალეობები

7.1 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი.

7.2 შემსყიდველი ვალდებულია უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

7.3 მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

7.4 მიმწოდებელი ვალდებულია გაუწიოს შემსყიდველს ხარისხიანი მომსახურება.

8 . ხელშეკრულების კონტროლი

8.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

8.2. ამ მუხლის პირველი პუნქტით გათვალისწინებული კონტროლისა და ზედამხედველობის განმახორციელებელი პირ(ებ)ი შემსყიდველის მიერ განსაზღვრული იქნება ხელშეკრულების გაფორმების მომენტისათვის.

8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

9.1 ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,5%-ის ოდენობით.

9.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 2 (ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებული გარემოებების და-დგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5 მხარე ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 10.4 პუნქტით გათვალისწინებულ გადაწყვეტილების მიღების განზრახვის შესახებ

10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

ხელშეკრულება ძალაში შედის მისი ხელმოწერის დღიდან და მოქმედებს 2014 წლის ----- ჩათვლით.

14. დასკვნითი დებულებები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი რჩება შემსყიდველს, ერთი – მიმწოდებელს.

მხარეთა რეკვიზიტები:

შემსყიდველი:

მიმწოდებელი:

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად, ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვწერე ამ აფიდავითს და წარვადგინე ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მინოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე, აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.